



# KOPERASI TABUNG HAJI BERHAD

## SKIM PINJAMAN SKIM KREDIT PENGGUNA

### A. PENGENALAN

Skim pinjaman berjamin tertakluk di bawah Aturan Aktiviti Skim Kredit Pengguna Wang Koperasi Tabung Haji Berhad (**KTHB**).

### B. TUJUAN

1. Tujuan aturan-aturan ini diwujudkan ialah untuk :-
  - a) Mewujudkan skim kredit pengguna sebagai satu kemudahan bagi anggota ini bagi maksud yang berfaedah.
  - b) Merancang skim kredit pengguna dan segala aktiviti berkaitan dengan skim kredit pengguna
  - c) Menjalankan aktiviti kredit pengguna itu dengan sempurna
  - d) Mengawal perjalanan aktiviti kredit pengguna itu.

### C. SYARAT-SYARAT PEMOHON

Syarat-syarat kelayakan untuk menyertai skim ini adalah seperti berikut:

1. Menjadi anggota **KTHB** selama sekurang-kurangnya 6 bulan. Bagi anggota masuk semula, keanggotaan mestilah genap 18 bulan.
  - \* Walau bagaimanapun, bagi anggota yang baru mendaftar dan ingin terus membuat pinjaman dikehendaki membuat bayaran sebanyak **RM 710.00** terlebih dahulu. (RM 500.00 = Syer, RM 180.00 (RM 30 x 6 bulan) = Yuran, RM 30.00 = Fi masuk)
2. Memiliki syer tidak kurang daripada RM500.00.
3. Berpendapatan tetap dan mempunyai gaji bersih 40% daripada gaji pokok.
4. Mempunyai dua (2) orang penjamin bagi pemohon yang berkhidmat dengan Anak Syarikat TH dan Syarikat Bersekutu TH. Pemohon yang berkhidmat di Lembaga Tabung Haji tidak perlu penjamin.
5. Anggota bertaraf jawatan kontrak adalah tertakluk di bawah tambahan syarat berikut:
  - Tempoh pembayaran balik pinjaman adalah mengikut tempoh kontrak pekerjaan.
  - Mempunyai dua (2) orang penjamin.

**D. SYARAT-SYARAT PENJAMIN**

1. Penjamin-penjamin mestilah terdiri daripada anggota Lembaga Tabung Haji atau Anak Syarikat TH atau Syarikat Bersekutu TH.
2. Tiap-tiap seorang Anggota hanya boleh menjamin tidak lebih daripada 4 orang peminjam pada satu-satu masa.
3. Kedua-dua penjamin mestilah bertaraf jawatan tetap.

**E. CARA MEMOHON**

1. Mengisi dengan lengkap borang Pinjaman Berjamin [**KTHB (W) 3**].
2. Menyertakan satu salinan kad pengenalan dan penyata gaji terkini yang telah disahkan bagi pemohon.

**F. JUMLAH PINJAMAN**

Jumlah pinjaman minimum : RM1,000.00  
Jumlah pinjaman maksimum : RM30,000.00

- Kadar keuntungan yang dikenakan ialah 3.8 %
- Tempoh bayaran balik adalah sehingga 7 tahun.
- Kadar pinjaman tidak melebihi 90% dari jumlah modal yuran yang terkumpul. Walau Bagaimanapun kadar pinjaman adalah mengikut kepada kelulusan Ahli Lembaga Koperasi.
- Setiap pinjaman yang diluluskan akan dikenakan yuran memproses seperti berikut yang ditolak daripada jumlah pinjaman yang diluluskan.

$$RM1,000.00 - RM30,000.00 = RM100.00$$

- Peminjam perlu mengambil Pelan Takaful Keluarga Berkelompok Kredit daripada Syarikat Insurans yang dilantik oleh KTHB dan jumlah sumbangan akan ditolak daripada jumlah pinjaman yang diluluskan.
- Segala kos berkaitan pinjaman ini seperti perkhidmatan pos dan lain-lain adalah di bawah tanggungan peminjam dan akan ditolak daripada jumlah pinjaman yang diluluskan.
- Peminjam hendaklah membenarkan majikannya membuat apa-apa bayaran keterberhutangan dengan **KTHB** melalui apa-apa faedah kewangan seperti bonus tahunan, bayaran tertunggak, semakan gaji, faedah persaraan dan lain-lain insentif.

**G. PENUTUP**

Dengan wujudnya skim pinjaman kredit pengguna ini, adalah diharapkan agar anggota-anggota **KTHB** akan dapat menikmati kemudahan yang disediakan. Walaubagaimanapun, syarat-syarat dan peraturan di atas tertakluk kepada pindaan yang diluluskan oleh Ahli Lembaga Pengarah **KTHB** dari masa ke semasa.